


রাজ্যে রাজ্যে

যমুনা ইভেন্ট : শ্রীশ্রী রবিশঙ্করকে তীব্র তিরস্কার এনজিটি'র

নয়াদিল্লি, ২০ এপ্রিল : ন্যাশনাল গ্রিন ট্রাইবুনাল (এনজিটি) আট অফ লিভিংয়ের প্রতিষ্ঠাতা, ধর্মগুরু শ্রীশ্রী রবিশঙ্করকে তীব্র তিরস্কার করেছে। এনজিটি'র মতে, কিছুদিন আগে রবি শঙ্করের সাংস্কৃতিক সংস্থা এওএল যমুনা তীরে যে অনুষ্ঠান করে তা নিয়ে পরে বিবৃতি দেন স্বয়ং ধর্মগুরু। এই বিবৃতিতে তিনি কেন্দ্রীয় সরকার এবং যমুনা বাঁচাতে তৈরি গ্রিন প্যানেলকে দোষারোপ করেন। রবিশঙ্করের এই বিবৃতি অত্যন্ত বেদনাদায়ক বলে মন্তব্য করেছে এনজিটি।



এনজিটি'র চেয়ারপার্সন বিচারপতি সায়ন্তন কুমার এদিন রবিশঙ্করকে তীব্র তিরস্কার করে বলেছেন, "আপনার কোন দায়িত্ববোধ নেই। যা খুশি বলার অধিকার কে দিয়েছে আপনাকে? আপনি যা বলছেন তা অত্যন্ত বেদনাদায়ক"। এনজিটি এওএল এবং অন্যান্যদের কাছে চিঠি পাঠিয়ে জবাব চেয়েছে। যমুনার তীরে ক্ষতিগ্রস্ত করা হয় বিশ্ব সাংস্কৃতিক উৎসবের সময়। গত বছর মার্চে যমুনা তীরে এই উৎসব হয়।

চলতি মাসের গোড়ার দিকে গ্রিন প্যানেলের তরফে জানানো হয় ধর্মগুরু শ্রীশ্রী রবিশঙ্করের সংস্থা আট অফ লিভিংই যমুনা তীরে ক্ষতিগ্রস্ত করার জন্য দায়ী। গত বছর মার্চে সাংস্কৃতিক উৎসবের নামে যমুনা তীরের ক্ষতি করেন তারা। এনজিটি'র সঙ্গে এই নিয়ে রবিশঙ্করের সংস্থা

দীর্ঘ বিবাদ চলে। শেষ পর্যন্ত তারা একটি এক্সপার্ট কমিটি তৈরি করে। এই কমিটি জানায় রবিশঙ্করের সংস্থার আয়োজিত উৎসবের ফলে যমুনা তীরে জৈব প্রযুক্তিগত ভারসাম্য অনেকটাই নষ্ট হয়েছে। এই ভারসাম্য ফিরিয়ে আনতে এক দশকের বেশি সময় লাগবে। এর জন্য তাদের দিতে হবে ৪২.০২ কোটি টাকা। সাত সদস্যের এক্সপার্ট কমিটি সুপারিশ করে এই বিপুল পরিমাণ খরচ এওএল এবং অনুষ্ঠান করার দায়িত্ব দায়িত্ব ছিল যেসব সংস্থা তাদেরই ভাগ করে নিতে হবে।

এই রিপোর্টকে রবিশঙ্করের ফাউন্ডেশন যত্নবদ্ধ বলে দাবি করে। মঙ্গলবার ধর্মগুরু নিজেই কেন্দ্রীয় সরকার, দিল্লি সরকার এবং এনজিটি'র কাছে এওএলকে যমুনা তীরে অনুষ্ঠান করার অনুমতি দেওয়ার জন্য দায়ী করে বলেছেন, তাদের অনুষ্ঠানের জন্য যদি যমুনা তীরের কোনও ক্ষতি হয়ে থাকে তবে সংশ্লিষ্ট পক্ষগুলি দায়ী।

নরেন্দ্র মোদী সরকারের মন্ত্রীদের শারীরিক সক্ষমতার উপর জোর।

নয়াদিল্লি, ২০ এপ্রিল : তারা সবাই নরেন্দ্র মোদী সরকারের মন্ত্রী। প্রত্যেকেরই কাঁধে বিপুল কাজের ভার। কিন্তু সেই দায়িত্ব সামলেও এবার তাদের শারীরিক সক্ষমতার প্রমাণ দিতে হবে। প্রয়োজনে জিমেও যেতে হবে।



কেন্দ্রীয় স্বরাষ্ট্র মন্ত্রকের কিরণ রিজিউ টুইট করে বলেছেন, "শারীরিক সক্ষমতা বজায় রাখার জন্য আমরা সত্যিই কোনও সময় নেই। কিন্তু সেই কাজটি এখন থেকে করতে হবে। কারণ আমরা অসিপ্পিকে পক্ষ জয়ী সহকর্মী রাজ্যবর্ধন রাঠোর বিপুল দায়িত্ব

সামলেও বের করে নেন জিমে যাওয়ার জন্য। তিনি আমাকে কঠিন চ্যালেঞ্জের মুখে ঠেলে দিয়েছেন।"

দিল্লিতে দ্বাদশ শ্রেণির পড়ুয়ার বেপরোয়া গাড়ির ধাক্কায় মৃত ফুটপাতবাসী

নয়াদিল্লি, ২০ এপ্রিল : বেপরোয়া গাড়ি পিষে দিল ফুটপাতবাসীকে। দিল্লির কাশ্মীরি গেট এলাকায় গাড়ির ধাক্কায় একজনের মৃত্যু হয়েছে, আহত হয়েছেন তিন জন। দ্বাদশ শ্রেণির পড়ুয়া গাড়ির চালককে থ্রেফতার করেছে পুলিশ। বলিউডের অভিনেতা সলমন খানের গাড়ি এক সময় মুহূর্তে তিন ফুটপাতবাসীর প্রাণ নিয়েছিল। কিন্তু প্রমাণের অভাবে সেই মামলায় বেকসুর খালাস পায় অভিযুক্তরা।


একজনের মৃত্যু হয়। পুলিশ জানিয়েছে, গাড়িতে ছিল দ্বাদশ শ্রেণির তিন পড়ুয়া। তাদের মধ্যে একজন গাড়িটি চালাচ্ছিল। তারা দিল্লির একটি স্কুলের পড়ুয়া। তিনজনের মধ্যে দু'জন দুর্ঘটনার পরেই গাড়ি ছেড়ে পালায়। গাড়ির চালক মৃত ছিল কিনা তাও খতিয়ে দেখা হচ্ছে পুলিশ। সমাজবিজ্ঞানীদের মতে, সন্তানের উপর বাবা-মার নিয়ন্ত্রণ এখন বহু ক্ষেত্রেই শিথিল হয়ে পড়ছে। একটি-দুটি সন্তানের নানারকম আচরণ মোতাবে গিয়ে তারা তাদের নানা ধরনের কাজ মেনে নিচ্ছেন। একেবারে চোরাহেলা তিন পড়ুয়া কেন বেপরোয়া গাড়ি চালাচ্ছিল, তার কারণ জানতে পারলেই তাদের উপর বাবা-মায়ের আদৌ কোনও নিয়ন্ত্রণ ছিল কিনা তা বোঝা যাবে।



মুঝাইতে দাদাসাহেব ফাল্কে পুরস্কার ঘোষণা অনুষ্ঠানে মডেল পুনম ঝাওয়ার (মোহে) ও তার মা পূজাশ্রী (বামদিকে) এবং অভিনেত্রী সাওনি খের।

রাষ্ট্রপতি পদের দৌড় থেকে সরাতেই বাবরি মসজিদ মামলায় আদবানির বিচার : লালুপ্রসাদ বিনয় কাটিহারও মেনে নিলেন লালুর মত

নয়াদিল্লি/পাটনা, ২০ এপ্রিল : রাষ্ট্রপতি পদের দৌড় থেকে সরিয়ে দিতেই নরেন্দ্র মোদী আদবানির বিরুদ্ধে যত্নবদ্ধ করে তার নাম বাবরি মসজিদ ধ্বংস মামলায় জড়িয়ে দিয়েছেন বলে অভিযোগ আরজেডি'র সুপ্রিমো লালু প্রসাদ যাদবের। আর বিশ্বয়কর হলেও সত্যি যে লালু প্রসাদের এই দাবি সত্যি হলেও হতে পারে বলে মন্তব্য করেছেন



বিজেপি নেতা বিনয় কাটিহার। ১৯৯২ সালে বাবরি মসজিদ ধ্বংস হয়। এই মামলায় এতদিন পরে বিচারের মুখোমুখি হতে হচ্ছে প্রবীণ বিজেপি নেতা লালকৃষ্ণ আদবানি, মুরলীমহানোহর শৌশী এবং উমা ভারতীকে। এই মামলায় বুধবার সুপ্রিম কোর্ট সিবিআইয়ের আর্জি অনুমোদন করেছে এবং বিজেপি'র এই নেতাদের বিরুদ্ধে ফৌজদারি যত্নবদ্ধ দায়ের করার অনুমতি দিয়েছে। আগামী চার সপ্তাহের মধ্যে ট্রায়াল কোর্টে যে মামলা চলছে তাও শুরু করার নির্দেশ দিয়েছে সুপ্রিম কোর্ট।

আদবানির সঙ্গে নরেন্দ্র মোদীর সম্পর্ক মোটেই ভাল নয়। কিন্তু কিছুদিন আগে বিজেপি'র এই শীর্ষ নেতার জন্মদিনের অনুষ্ঠানে তার বাড়িতে হাজির হন মোদী। দীর্ঘ সময় কাটান আদবানির সঙ্গে। এরপরেই জন্মদায়ী শুরু হয় যে রাজনৈতিক নির্বাসন থেকে তুলে এনে এবার আদবানিকে রাষ্ট্রপতি ভবনে নিয়ে যেতে চান মোদী।

আদবানিও বেশ কিছুদিন মুখে কলুপ এঁটে রয়েছেন। বিজেপি সরকার বা নরেন্দ্র মোদীর সমালোচনা তার মুখে শোনা যায়নি। কিন্তু সুপ্রিম কোর্ট যেভাবে বুধবার সিবিআইয়ের আর্জি অনুমোদন করে আদবানির বিরুদ্ধে ফৌজদারি যত্নবদ্ধের অভিযোগ দায়ের করার অনুমতি দিয়েছে তাতে অনেকেই সিঁদুরে মেঘ দেখেন।

একমাত্র বিনয় কাটিহারকে বাদ দিলে বিজেপি নেতারা এই নিয়ে মুখ না খুললেও আরজেডি'র সুপ্রিমো লালু প্রসাদ যাদব বৃহস্পতিবার মন্তব্য করেছেন রীতিমতো চিন্তাভাবনা করেই বাবরি মসজিদ ধ্বংস মামলায় বিজেপি'র শীর্ষ নেতাদের ঠেলে দেওয়া হয়েছে। এর অন্যতম কারিগর প্রধানমন্ত্রী নরেন্দ্র মোদী। প্রায় লালুর সুরের মিলিয়ে বিজেপি নেতা বিনয় কাটিহার বলেছেন আদবানিকে রাষ্ট্রপতি পদের দৌড় থেকে সরাতেই নরেন্দ্র মোদী এই পরিকল্পনা করেছেন।

জাতীয় স্তরে জোট গড়তে উদ্যোগী সোনিয়া-নীতীশ

নয়াদিল্লি/পাটনা, ২০ এপ্রিল : বিহারের মুখ্যমন্ত্রী নীতীশ কুমার ও কংগ্রেস সভানেত্রী সোনিয়া গান্ধি জাতীয় স্তরে জোট গড়তে উদ্যোগী হলেন। বিহার বিধানসভা নির্বাচনে কংগ্রেসের সঙ্গে কিছুটা আগ বাড়িয়ে জোট গড়েছিলেন নীতীশ। বিহারে নীতীশের উদ্যোগে প্রচারেও এসেছিলেন সোনিয়া। কিন্তু তারপর থেকে নেতা ও নেতৃত্বের মধ্যে তেমন যোগাযোগ ছিল বলে জানা যায়নি। বরং বিমুদ্রাকরণের পর নীতীশ কুমার যেভাবে নরেন্দ্র মোদীর দিকে ঝুঁকে পড়েন, তাতে মনে করা হচ্ছিল তিনি আবার এনডিএতেই ফিরবেন। বৃহস্পতিবার কিছুটা নিজেসর উদ্যোগেই ১০ জনপথে যান বিহারের মুখ্যমন্ত্রী। কংগ্রেস সভানেত্রী সোনিয়া গান্ধির সঙ্গে দেখা করেন। তাদের এই বৈঠক নিয়ে আগাম সংবাদমাধ্যমকে কিছুই জানানো হয়নি। কংগ্রেসের একটি সূত্র জানিয়েছে, দেশের বর্তমান রাজনৈতিক পরিষ্কারি নিয়ে দু'জনের মধ্যে দীর্ঘ সময় কথাবার্তা হয়। সোনিয়া নাকি নীতীশকে ২০১৫ সালের মতো জাতীয় স্তরে অসাম্প্রদায়িক দলগুলিকে নিয়ে একটি মহাজোট গঠন করতে সমর্থন করে বসেছেন। সোনিয়া ও নীতীশের এই বৈঠক নিয়ে ইতিমধ্যে রাজনৈতিক মহলে গুঞ্জন শুরু হয়েছে।

সংবিধানকে অপমান করায় সোণু নিগমের দেশ ছাড়া উচিত : কাদরি

মুন্সাই/কলকাতা, ২০ এপ্রিল : বলিউডের গায়ক সোণু নিগম মসজিদে আজান দেওয়ার সময় লাউড স্পিকার নিয়ে যে মন্তব্য করেছেন তা সংবিধানকে অবমাননার শামিল। এজন্য বলিউডের এই গায়কের উচিত এখনই দেশ ছাড়া। পশ্চিমবঙ্গে সংখ্যালঘুইউনিটেরডেপুটিসেক্রেটারি সহ সভাপতি মৌলবি সৈয়দ শাহ আতেক আলি কাদরি এই দাবি করেছেন। এজন্য সাংবাদিক সম্মেলন ডাকা হয়। সাংবাদিক সম্মেলনে কাদরি বলেন, সোণু নিগম আজান নিয়ে মন্তব্য করে বহু ভারতীয়র ধর্মীয় আবেগকে আঘাত করেছেন। তিনি যে ভুল করেছেন তা স্বীকার করে নিয়ে যত তাড়াতাড়ি সম্ভব ক্ষমা চাওয়া উচিত।

পশ্চিমবঙ্গ সংখ্যালঘু সেলের এই মৌলবি সোণু নিগমের মাথার চুল কামিয়ে তার গলায় জুতোর আজান দেওয়ার সমালোচনা করেন প্রথমে, পরে তিনি মন্দির ও অন্য ধর্ম প্রতিষ্ঠানেও লাউড স্পিকারের সমালোচনা করেন। যদিও কোনও মন্দির কর্তৃপক্ষ এখনও এই নিয়ে কোনও ঝড় তোলেননি। সোণু অবশ্য গতকালই বলেছেন, তিনি সব ধর্মকেই সম্মান করেন। প্রত্যেকের বিশ্বাসকে মর্যাদা দেন। তার আরও দাবি, যে কোনও গণতান্ত্রিক রাষ্ট্রে মত প্রকাশের সম্পূর্ণ স্বাধীনতা রয়েছে নাগরিকদের। আর আজান নিয়ে তিনি যা বলেছেন তা সামাজিক বিষয়, ধর্মীয় বিষয় নয়। সোণু নিগমের এই মন্তব্যের পরেই বিবায়টির নিষ্পত্তি হয়েছে বলে মনে করা হচ্ছে। পশ্চিমবঙ্গ সংখ্যালঘু সেলের সহ সভাপতি কাদরি মন্তব্য হযতো তাতে ইচ্ছন জোগাল।



কেন্দ্রীয় স্বরাষ্ট্রমন্ত্রীর রাজনাথ সিংয়ের আমন্ত্রণে বৃহস্পতিবার দিল্লি এসে তাঁর সঙ্গে বৈঠক করলেন মণিপুরের রাজ্যপাল নাজমা হেপতুন্না।

রাহুলকে দোষারোপ করে দল ছাড়লেন বরখা

নয়াদিল্লি, ২০ এপ্রিল : রাহুল গান্ধি দল পরিচালনার ক্ষেত্রে মানসিকভাবে সুস্থ মন দাবি করে দল ছাড়লেন দিল্লি মহিলা কংগ্রেসের সভাপতি বরখা গুফ্রা সিং। এক খোলা চিঠিতে দিল্লি মহিলা কমিশনের প্রাক্তন প্রধান দলের সভাপতি অজয় মাকেনকে অভিযুক্ত করেছেন। তার দাবি, মাকেন দলীয় মহিলা কর্মীদের নানাভাবে নিগ্রহ করেন, তাদের ক্ষমিক দেন। সব দেখেও কংগ্রেসের সহ সভাপতি রাহুল গান্ধি কিছুই না দেখার ভান করেন।




বরখা দল ছাড়লেন এমন একটা সময়ে যখন কংগ্রেসের আরও সংকট দেখা দিয়েছে। দিল্লি কংগ্রেসের প্রেসিডেন্ট অরবিন্দ সিং লাভলি বুধবারই ভারতীয় জনতা পার্টিতে যোগ দিয়েছেন। দিল্লি প্রদেশ কংগ্রেসের সভাপতি অজয় মাকেনও বিজেপি সর্বভারতীয় সভাপতি অমিত শাহ'র সঙ্গে আলোচনা চালাচ্ছেন বলে বৃহস্পতিবারই অভিযোগ করেছেন আম আদমি পার্টি নেতা ও দিল্লির মুখ্যমন্ত্রী অরবিন্দ কেজরিওয়াল।

বরখা কংগ্রেসের সহ সভাপতি দলীয় কর্মীদের কাছ থেকে নিজেদের সরিয়ে রাখেন বলেও অভিযোগ করেছেন। তার প্রশ্ন, দলীয় কর্মীদের এখন জানা অত্যন্ত জরুরি যে রাহুল গান্ধি কেন নিজে একাভাবে লুকিয়ে রাখেন। অথচ দলীয় কর্মীদের তার কাছে অনেক কিছু জানার আছে। কিন্তু তাদের সঙ্গে কদাচ বৈঠক করেন তিনি। বরখা একেবারে সরাসরি বলেছেন, রাহুল গুপ্ত মোসাহেবদের সঙ্গে বৈঠক করতে ভালবাসেন। অন্য নেতাদের সঙ্গে নয়। যারা তাকে প্রশ্ন করবেন, কিছু জানতে চাইবেন তাদের তিনি সম্মতই দেন না।

দিল্লি পুর নির্বাচনের পরেই অজয় মাকেন যোগ দিচ্ছেন বিজেপিতে, দাবি কেজরিওয়ালের

নয়াদিল্লি, ২০ এপ্রিল : দিল্লি পুরসভার নির্বাচন ২০ এপ্রিল। পুর ভোটের জন্য আম আদমি পার্টির ইন্তেহার প্রকাশ করতে গিয়েও দলের নেতা ও দিল্লি মুখ্যমন্ত্রী অরবিন্দ কেজরিওয়াল কংগ্রেসের নিয়ে কাঁটাছেড়া করেন। কেজরিওয়াল বলেন, দেশের রাজধানীতে কংগ্রেস কার্যত শেষ হয়ে গিনাছে। কংগ্রেসকে ভোট দেওয়ার অর্থ তা বাজে কাগজের বুড়িতে ফেলা।



এই সময়ই তিনি বলে বলেন, এমনকি দিল্লি প্রদেশ কংগ্রেসের সভাপতি অজয় মাকেনও বিজেপি'র সর্বভারতীয় সভাপতি অমিত শাহ'র সঙ্গে আলোচনা চালাচ্ছেন। বিজেপিতে যোগ দেওয়ার জন্য মাকেন পা বাড়িয়ে আছেন এই দাবি করে কেজরিওয়াল বলেছেন, প্রদেশ কংগ্রেসের সভাপতি এখন শুধু পুর নির্বাচনের জন্য অপেক্ষা

করছেন। আপের ভোট কাটার জন্যই তিনি এখনও কংগ্রেসে রয়েছেন। কেজরিওয়ালের এই মন্তব্যের পাশ্চাৎ জবাব দিয়ে মাকেন বলেছেন, দিল্লির মুখ্যমন্ত্রীর উচিত তার নিজের উদ্দেশ্যে এবার কমানো। তিনি যেসব কাজকর্ম করছেন তার জন্য তার এখন জেলে যাওয়ার জন্য প্রস্তুত হওয়া উচিত। দিল্লি পুলিশ কমিশনারের সঙ্গে তারা এই নিয়ে কথা বলেছেন, পুলিশ কোনও ব্যবস্থা না নিলে আদালতে যাওয়ারও ক্ষমিক দিয়েছেন দিল্লি প্রদেশ কংগ্রেসের সভাপতি।

নেপালের রাষ্ট্রপতির দু'দিনের ওড়িশা সফর শুরু

ভুবনেশ্বর, ২০ এপ্রিল : নেপালের রাষ্ট্রপতি বিদ্যাদেবী ভাভারি দু'দিনের সফরে এদিন ওড়িশায় এসে পৌঁছেন। তিনি ভুবনেশ্বরের বিখ্যাত লিঙ্গরাজ মন্দির এবং পুত্রী জগন্নাথ দেবের মন্দির দর্শন করেন বলে জানা গেছে। এছাড়া ভুবনেশ্বরে মিশন শক্তি ভবনে মহিলাদের ক্ষমতায়ন সক্রান্ত একটি কর্মসূচিতেও নেপালের রাষ্ট্রপতির যোগ দেওয়ার কথা। দিল্লি সফর শেষে বৃহস্পতিবার ভুবনেশ্বরে পৌঁছান বিদ্যাদেবী ভাভারি। ভুবনেশ্বরের বিজু পট্টনায়ক আন্তর্জাতিক বিমানবন্দরে নেপালের রাষ্ট্রপতিতে স্বাগত জানান ওড়িশার রাজপাল এস সি জামির, রাজ্যের অর্থমন্ত্রী প্রদীপ কুমার আমাথ, স্বরাষ্ট্র সচিব অসিত ত্রিপাঠী এবং পুলিশের ডি জি কে বি সিং। একাদশ শতকে ভুবনেশ্বরে লিঙ্গরাজের মন্দির তৈরি হয়। মন্দিরে পূজা দেওয়ার পর ভুবনেশ্বরেই রাত কাটান তিনি। শুক্রবার ভাভারির পুত্রী যাওয়ার কথা। সেখানে ভগবান জগন্নাথদেব দর্শনের পরেই এয়ার ইন্ডিয়া'র বিশেষ বিমানে দুপুর ২.২৫ মিনিটে নাগাদ তাঁর দিল্লিতে যাওয়ার কথা। দিল্লি থেকে তিনি শুক্রবার বিশেষ বিমানে কাঠমাড় ফিরবেন বলে স্বরাষ্ট্র মন্ত্রক জানিয়েছে।

নেপালের রাষ্ট্রপতি বিদ্যাদেবী ভাভারি দু'দিনের সফরে এদিন ওড়িশায় এসে পৌঁছেন। তিনি ভুবনেশ্বরের বিখ্যাত লিঙ্গরাজ মন্দির এবং পুত্রী জগন্নাথ দেবের মন্দির দর্শন করেন বলে জানা গেছে। এছাড়া ভুবনেশ্বরে মিশন শক্তি ভবনে মহিলাদের ক্ষমতায়ন সক্রান্ত একটি কর্মসূচিতেও নেপালের রাষ্ট্রপতির যোগ দেওয়ার কথা। দিল্লি সফর শেষে বৃহস্পতিবার ভুবনেশ্বরে পৌঁছান বিদ্যাদেবী ভাভারি। ভুবনেশ্বরের বিজু পট্টনায়ক আন্তর্জাতিক বিমানবন্দরে নেপালের রাষ্ট্রপতিতে স্বাগত জানান ওড়িশার রাজপাল এস সি জামির, রাজ্যের অর্থমন্ত্রী প্রদীপ কুমার আমাথ, স্বরাষ্ট্র সচিব অসিত ত্রিপাঠী এবং পুলিশের ডি জি কে বি সিং। একাদশ শতকে ভুবনেশ্বরে লিঙ্গরাজের মন্দির তৈরি হয়। মন্দিরে পূজা দেওয়ার পর ভুবনেশ্বরেই রাত কাটান তিনি। শুক্রবার ভাভারির পুত্রী যাওয়ার কথা। সেখানে ভগবান জগন্নাথদেব দর্শনের পরেই এয়ার ইন্ডিয়া'র বিশেষ বিমানে দুপুর ২.২৫ মিনিটে নাগাদ তাঁর দিল্লিতে যাওয়ার কথা। দিল্লি থেকে তিনি শুক্রবার বিশেষ বিমানে কাঠমাড় ফিরবেন বলে স্বরাষ্ট্র মন্ত্রক জানিয়েছে।